



REXNE Û KIRVARA REXNEYÎ DI ÇEND GOTINEKAN DE

Rexne wekû zarav gelek raman û wateyên cude cude bi xwe ve hilgirtîne, bi dirêjahiya dîrokê guherîn li ser raman û têgeha wê hatiye kirin. Lê nuhe, her çende gelek pênase jê re hatine kirin, piraniya wan, di şirovekirin û sengandin û biryardena berhemê edebî de di hev-irêne, li dû wê araste ya rexnegir, temaşey berhemê edebî dikan, guhorînên lawekî li ser pirinsîpên karkirinê de dihête kirin.

Rîne Wilk dibêje: “Rexne, pêkhatiye ji we-sifkirin, şirovekirin, pêdeçûn, sengandin û biryarden li ser karê edebî û diyarkirina binemayên îstatîkî û gengeşekirin li ser têgehên di nav rêrew (Siyaq)ê hunerê edebî û rewanbêjiyê de”.(1) Ji ber ku biryarden jî, di xane ya têgehê rexneyê de ye. Lewma rexnegir, ji encamê çend xalekan diçe wê biryardenê, ew jî:

1- Rewşenbîriya rexnegirî û astê wî yê hizirî, hunerî û rêbaza wî, ji bo dîtina wê têkistê ewa rexneyê lê digire û derêxistina kodên zimanî (peyvên kilîlî) û peyama dewiya têkistê rolê xwe tê de dibînin.

2- Ew paşmayê dîrokî, civakî û rewşenbîrî, ya rexnegir (kodên zimanî) yê xwe jê derêxistin li ser binemayê wan rastiyên di wê qûnaxê de, heyîn.

3- Şêwazê dehênerî, îstatîka û ciwaniya berhemê edebî pê hatiye nivîsîn û avakirin û peyama xwe bi rexnegirî de, gehandî.(2)

Ew kesê bi encamdena karê rexneyî radibe, divê, ev nîşanên li xwarê, li dev hebin:

1- Xwedî mêşkekê aram û hişyar be û bi hîç renegekê reqiyê û şikandinê bi kar neîne.



Nihmetelle Nihêlî



2- Hoşmend û bîrrtîj be.

3- Pêdiviyê vekolînê di hemû bûyerên têkistê de bike, de bikaribe sengandineke durist bike.

4- Divê rewşenbîreke hemelayenî hebe û di wî warê rexne yê de dike, yê pispor be.

5- Divê bi çavê rastiyê berhemî bibîne, her wekû MaytoArnold di-beje: “Çavê derxistina rastiyan û çawaniya nivîsînê û îstatîka berhemî be.”

6- Nabê bi hîç renekê bikeve di bin biwarên kesokî û hevalînî û arezûyên taybet ve, karê wî ji bo avakirina berhemî û xizmetkirina zanistî be.

Di biyavê rexneyê de, çend cemserêk hene, rolê xwe di avakirin û dehîna rexneyêke durist û nêzîkî ketwarê rastiyê û ciwanîyê dibîne, ew jî (nivîser, têkist, xwendevan in). Di navbera wan de bandoreke pêçewanî heye. Em dikarin bi vî nexşeyî diyar bikin:

Xwendevan Têkist Nivîser

Ev cemserên rexne yê her yek **xwe di çend biyavekan de, dibîne:**

1- Cemserê nivîserî (dehêner):

Pêdiviyê barê rewşenbîrî, jîngeh, siruşt, îdolojîya, serederî, rexne û fakterên civakî, aborî û siyasî tê de berçav bihête wergirtin, anku bawerî bi desthelata nivîserî hebe.

2- Cemserê têkistê (سلطه النص):

Pêdiviyê şirovekirina têkistê yên

(fonolojî, morfolojî, sîntaksî, sîmantîkî, rîtmî...htd) li pêş çavan wergirin, di gel giringîden bi şirovekirina regezên zêdekirî di wê têkistê de. Di gel regezên pêkhênerên wî corê edebî, yê têkist pê hatiye nivîsîn, (heger hozan be, giringî bi wêne yê hozanê, derêtina wî û zimanê wê, kêşe û rîtmên wê di gel erkên wan di xizmetkirina ronvekirina watayî de.

3- Cemserê wergirî (سلطه القارى):

Pêdiviyê astê rewşenbîrî û pêgelandiyê xwendevanî û îdolojîya wî û kawdenên derûnî, civakî û aborî... htd yên xwendevanî pêş çavan wergirin û bawerî bi desthelata xwendevanî hebe, çimkî peyama û têkist bo wî dihêne arastekirin.(4)

Di warê ariste û rêbazên rexneya nû de, çendîn mîkanîzîm li ser rexnegirî hene, pêdivîne şehrezayî tê de hebe û di karê xwe yê rexneyî de peyrew bike. Bi kurtî, em dişên di van xalan de diyar bikin.

1- Mîkanîzmên girêdeyî zimanvaniya têkistê:

Li dû vê têgehê, çendîn hêlên berfereh hene, rexnegirî tê de kar bike. Wek: Diyarkirin û şirovekirina kodên zimanî, zanistê sîmantîkî, mîkanîzma fonolojî, mîkanîzma peywendîyan, mîkanîzma pêkhate ya aşopî û stûnî, mîkanîzma nexşekêşan û serjimêriyê... hd.

2- Mîkanîzmên girêdeyî ruxsarê têkistê:

Li vê dirê, pêdiviyê li ser çend tewerekan rabiweste, ew jî: Mîkanîzma bunyad û pêkhate ya t-

kistê, mîkanîzma deqgîriyê, şiyana ji yek vavartin û ji hev cudikirina kêşe û rîtma têkistê, morfolojiya têkistê, laden a têkistê ji yasayên rêzimanî û hozanê.

3- Mîkanîzmên girêdeyî nav-eroka têkistê:

Di vî warî de giringî bi mîkanîzma (epistmolojiya) ya têkistê anku- ronkirina asoyên rewşenbîrî bi rêka vekolîna hêma û amaje û felsefe û babetî aydoloyiyê têkistê, zêdebarî bihayê edebiyê berhemî û erkên edebî û hizirkirin û tewîlê.

4- Mîkanîzma peywendiyên têkistê:

Di şiyana de ye di gel mîkanîzma ruxsarê têkistê bihête dîtin û di şiyana de ye bi ser bi xwe lê binêrin, ew jî mîkanîzmadeqgîriyê û den pêden bi desthelata xwendevanî di gel araste û dîtin û hizirkirinên wî di têkistê de.

Li ser van binçîneyan, erkê rexne ye bo me diyar dibe ku ew têkista vekolîn li ser dihête kirin ka ji hemû layenên pêkhate ya xwe ve dişê çî bêje û çawa gotiye, lê divê bizanin ku rexnegir di gotinên xwe de, ne azad e, belku gotin û karê wî xwedîkeke, çaweniya berhem û sîfatên wî diyar û aşkere dike li dû çendîn pêver û yasa û arasteyan.

Rolan Bart dibêje: "Her karekî edebî pêdiviyê bihête biniyasîn, anku pêkhate û taybetmendiyên wê têbigehin, de bişên bi durîstî wî berhemî di axa xwe de hembêz bike".(6) Li ser vî binçîne yî erkê rexneyî bi vekirina karê edebî ve dihête girêden. Piraniya rexnegir

di wê baweriyê de ne ku di gel ruxsarî de cîhaneke din heye, pêdiviyê bihête dîtin. Cîhana hizir, hest, aşop û barên derûnî... htd, ji ber hindê pêname ya şêwazî dike ku ji ruxsar û naverokê pêk diwere.

Li dor vê çendê, Bofon dibêje: "Şêwaz mirov bi xwe ye, anku her mrovekê şêwazek xwe yê taybet heye.

Her dîsan Kirotşê almanî jî, ji rêk cudikirina şêwazê di gel ruxsarû naverokê û ji jêk cudikirina ruxsarê ji naverokê, bi ser û bi ve red dike . Çimkî piyavê şêwazê rihên xwe di nav her dukan de dibîne û ruxsar jî hilgira wan bîr û hizra ye yên di naverokê de heye û harîkare ji bo ronvekirina wan, ji ber vê çendê baştîre her duka li bin nav û têgihê şêwazî kom bikin. Ser vî binçîney bo her têkistekê çendîn xwandin hene û her yek jî dê layekî wê têkistê bigire, bi giştî em dikarin bibêjin ev corên xwandinê di ber çav in. Xwandina êstatîkî û bihayê ciwanîyê berhemî, xwandina tewîlî ya şirovekir, xwandina vezivînkî.

Hindek têgeh û corên rexneyî :

Rexne di qûnaxa kilasîkî de, rexneyeke pîverkî bû. Piştbest in bi hindek yasayên diyarkirî weku yasa hîlbijartina corê edebî, pêdivîbûn bi yekitiya organî.. htd evan yasayan di demê desthilata kilasîkî de, li çerxçên 16/17/18/ ê meydena rexneyê degîr kiribû.

Ev corê rexneyê piştgermên hindek yasayên kevinbû. Lewra, her dem, hevîrê nûkirinê bû. Bi dîtina wê, nûkirin dîrkevîtin e, ji wan ya-

sayên ew peyde dike. Piştî romensiyat di edebiyata Ewropî de, serhildey di gel de core rexneyake din serhilde, ya dûr bû ji rexneya pîverkî, ew jî, rexneya rêrewî (dîrokî, civakî, derûnî) bû.

Rexneya rêrewî di çerxê 19ê de, li Ewropa serhilde. Her weku Solîntiz dibêje: “Hizra rêrewî, bi hêztirîn hizirên çerxê 19ê bû û karîger tir bû.” Li vir, mebesta wî bi rêrewî (her tiştê nahête wergirtin û şehrezabûn tê de peyde nabe, dûr ji zanîna wan fakterên bûne egerê duristbûna wê, di gel diyarkirina wê peywendiya, di navbera wan fakteran û têkistê û nivîserê têkistê de, hene. Li vir, arasteya girêdena berhemê edebî di gel dem û cih û jîngeha wê, dihate meydenê. Lewra rexnegirê rêrewî, zêdebarî aşkerekirin û ravekirina hindêk peywendiyên di navbera rêrewên derveyî têkistê, ewên girêdeyî nivîserî û eger û palderên berhemhênerên wê têkistê, ew ber bi dena hindêk biryar û ehkaman ve, diçû ku gelek bi giroveyên diyar û bi hêz, sade û palpişt nebûn.

Egera arasteya rexneya rêrewî, di rojavayê de weku karvedenekê dijî rexneya kilasîka pîverkî, serhilde. Lê di rexneya rêrewî de hizra hebûna rêrewî hate di gorê de, bizav dikir vekolîn a berhemê edebî û nivîserî bi xwe jî, bihête kirin, bi rêka giringîdan bi bar û dox û jîngeh (dem û cih û derûn) û dewr û berên nivîserî, lê ji ber ku xwe gelek bi van fakteran ve girê di da, ev bû egera wê çendê ku edeb gelek caran weku tiştêkê lawekî, bi-

hête dîtin û ta radekî gelek, giringîdan bi edebiyata têkistê bi xwe, lawaz û sist û xav bû.

Lewra, arasteyê de, di rexneyê de, serhilda, ew jî arasteya rexneya têkistî bû, ev corê rexneyê rêrewên derekî bi pişt guh êxistin û hemû giraniya xwe, êxiste ser têkistê bi xwe. Ji bo diyarkirina sîma û saxletên hunerî yên têkistê bi rêka şirovekirina regezên wê û vekolîna peywendiya wan regezan di têkistê de, li ser wî binyatî ku têkist cîhaneke serbixwe ya temame û bi rêka vekolîna wê bi xwe hemû tişt aşkera û diyar dibe.

Nimûne bo rexneya têkistê; Formalîstên Rûs, rexneya nû, rexneya buniyadgerî, rexneya helwşîngerî, şewazgerî ...htd.

Rexnegirê têkistî, bizav dike pêkhatiya têkistê û peywendiyên di navbera wê pêkhatiyê de, şirove bike, bi rêya zimanê wê (rîtim û delalet û ...htd) bigehe encam dan. Evca çî bi rêya kiryarên serjimêrî be yan nexşekêşan û matmetîkî....htd be. Evan rêka ji bo qazanca gehîştine edebiyata berhemî bi kar dînin.

Armanca vî corê rexneyê we-sifkirina pêkhatiya zimaniya têkistê ye ji bo vedîtina ciwankariyên wê (eve jî bi rêka şirovekirina zimaniya yekeyên têkistê ye ji bo vedîtina delaletên têkistê û şewazê û awayê nivîsînê yên nivîserî, bi rêka karkirin li ser têkistê bi xwe dûr ji giringîdan bi fakterên dewr û berên têkistê û nivîserî.

Eger stûna karê rexneya rêrewî giringîdan be bi navaroka tê-

kistê bi rêka rêrewên wê yên (ci-vakî, dîrokî, derûnî), ev wê nagehîne ku rexneya têkistî, naverokê feramoş dike (belku her yek, ji bo dîtina wê naverokê, rêkekê peyrew dike.) Çimkî têkist ji çend regezekan pêkdiwere (ziman û yekyên pêve girêdayî, rîtim û hizirên tê de hilgirtî), vekolîn di van regezan de, bêguman e ber bi vedîtina delalatan ve dibe.

Vekolînên (rexneya têkistê) pitir girêdayî wesifkirineke babetiyane ya bê layene di pêkhateya zimanî de, anku rexnegir bizavê dike ji bo diyarkirina pêkhateya edebiyata têkistê helçûnên taybet bi kar ne îne.

Fesikirina babetiyane ya bê layen, yeke ji saxletên giring di rêbazên nû yên rexneya têkistî de, bizavê dike, ewî samanê veşartî yê di nav têkistê de, aşkere bike.

Bi boçûna min, baştirîn arasteya rexneyî, giringîdan e bi têkistê bi xwe, bi pêkhate û delalet û rîtma têkistê, lê divê em layenên dîtir jî, bi yekcarî pişt guh neêxin. Çimkî delalet û nîşankar û peyvên kilîlî di têkistê de, gelek caran pêdivî bi hindêk layenên derekî ji bo ronkirina rêrewên wan heye.

Di piroseya encamdana rexneyê de, gelek caran em hindêk zarav û têgehên bi kar diînin dûr ji mebesta me û her di mêşkê me de, ew ne encam in, lê divê eşkera bikin:

1- rexneya tiyorî (theoretical criticism):

Erkê wê ewe ku li dû çend yasayên giştî bi selmandina komeke pêk ve girêdayî ya zaravan rabe, dîsan ravekirina zarav û rêkên kar-

kirin û çarekirina hêlên diyar di kiriyaya rexneyê de.

2- Rexneya piraktîk (Practical criticism):

Giringiyê bi gengeşkirina berhem û nivîserên destnîşankirî, dike, ew yasayên tiyorî yên zal li ser encam û peyrew bike, da ku bigehe hindêk encamên ne diyar û berze.

3- Rexneya Întîbaî (Impressionist criticism):

Bizavê dike berhemekî destnîşankirî yan çend parçeyên wî berhemî wêne bike û derbirîne ji karvedanên (انطباعی) yên rexnegirî bike ewên ji layê berhemî ve dihête durist kirin, her weku (Hazzlêt) di gotareke xwe de, dibêje: “Tu biryarê li ser bincîneyê hestên xwe didî, ne li ser bincîneyê hizirkirinê, anku li ser bincîneyê wî (انطباعی) berhemê di mêşkê te de, bi cih hêlayî, serarî wê çendê ku tu nikarî wê (انطباعی) bi ser û binên wê ve, rave û şirove bikî). Dîsna, Anatol Firansist dibêje: “Ev corê rexneyê dibe mixamerata giyanekê hestedar di navbera şakaran de.”

4- Rexneya dadvanpêkirinê (Judicial criticism): Bi gehandina kartêkirinê berhemê edebî, tenê ranawiste belku bizavê dike bi şirovekirin û ravekirina wan kartêkirinan rabe li ber ronahiya babet û pêkhate û şewaz û rêkên hunerî yên di berhemî de, bi kar hatî.

